

UNIVERZITET U SARAJEVU

Institut za genetičko inženjerstvo i bio tehnologiju

Zmaja od Bosne 8, Kampus

71000 Sarajevo

Na osnovu odredbi člana 97. i 99. Zakona o javnim nabavkama Bosne i Hercegovine ("Službeni glasnik BiH", br. 39/14") („Zakon“), društvo "MIKRO+POLO" d.o.o., u svojstvu podnosioca žalbe („Podnosilac žalbe“) u vezi sa Javnom nabavkom Aparata za detekciju i analizu, evidencijski broj nabavke: 13/20 od 26.3.2020. godine, Instituta za genetičko inženjerstvo i biotehnologiju u svojstvu ugovornog organa („Ugovorni organ“), u zakonskom roku blagovremeno ulaže

ŽALBU

- na Odluku o izboru najpovoljnijeg ponuđača za Javnu nabavku Aparata za detekciju i analizu LOT 1 – PCR aparat sa gradijent blokom br. 179-2/20 od 8.5.2020. godine, donesenu od strane Instituta za genetičko inženjerstvo i biotehnologiju („Pobijana Odluka“) a,

- **zbog pogrešno i nepotpuno utvrđenog činjeničnog stanja;**

Sa prijedlogom da Ugovorni organ **ovu žalbu uvaži**, izmijeni Pobijanu Odluku na način da utvrdi da ponuda izabranog ponuđača Lab Unica d.o.o. Sarajevo ne ispunjava sve uslove utvrđene Tenderskom dokumentacijom broj 13/20 od 26.3.2020. godine („TD“) i provede postupak u skladu sa Zakonom i dostavljenim ponudama ili alternativno da poništi Pobijanu odluku i ponovo provede postupak.

Naime, dana 13.5.2020. godine, Uvidom u TD ustanovljeno je da ponuđač Lab Unica d.o.o. Sarajevo nije dostavio autorizaciju proizvođača ili ovlaštenog predstavnika/distributer proizvođača za područje BiH kako je traženo TD, jer na dostavljenom Certifikatu o distribuciji piše „...**da je Lab Unica d.o.o. ovlašteni predstavnik za distribuciju Bio-Rad proizvoda u Srbiji...**“, te takođe na istom nije navedeno porijeklo robe kako je traženo u tački 4) Tehničke specifikacije TD (strana 8.).

Dokaz: Odluka o izboru najpovoljnijeg ponuđača za Javnu nabavku Aparata za detekciju i analizu, evidencijski broj 13/20 od 26.3.2020. godine

Tenderska dokumentacija br. 13/20 od 26.3.2020. godine

Slike spornog Certifikata o distribuciji Lab Unica d.o.o. (3 slike)

Podnosilac Žalbe je učestvovao kao ponuđač u postupku javne nabavke Aparata za detekciju i analizu sa procjenom vrijednosti nabavke za LOT 1 od 10.000,00 KM bez PDV-a, sa Ponudom koja je u cijelosti odgovarala svim formalno-pravnim i tehničkim uslovima odnosno zahtjevima Ugovornog organa.

Dokaz: Zapisnik o otvaranju ponuda broj: 13-2/20 od 04.05.2020.godine

Imajući u vidu navedeno, obzirom da je Podnosilac žalbe učestvovao kao ponuđač u postupku u kome je donesena Pobjana Odluka, Ugovorni organ nije imao osnova za donošenje Iste.

Ovim putem predlažemo da Ugovorni organ ispravi Pobjanu odluku u skladu sa Zakonom. A alternativno, predlažemo da Ugovorni organ poništi Odluku i ponovo provede postupak.

Ukoliko žalba bude proslijeđena Uredu za razmatranju žalbi („URŽ“) predlažemo da URŽ poništi Odluku i vrati predmet Ugovornom organu na provođenje postupka javne nabavke u skladu sa navodima iz ove žalbe.

Prilog;

-Žalba u tri primjerka sa gore navedenim dokazima

U Sarajevu, 18.5.2020. godine

Podnosilac žalbe
mikro+polo d.o.o.
ZA PROIZVODNJU, TRGOVINU I USLUGE
SARAJEVO